

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KEEMPAT
PARLIMEN KEEMPAT BELAS**

PERTANYAAN : BUKAN LISAN

**DARIPADA : PUAN ISNARAISAH MUNIRAH MAJILIS
[KOTA BELUD]**

SOALAN

PUAN ISNARAISAH MUNIRAH MAJILIS [KOTA BELUD] minta **MENTERI ALAM SEKITAR DAN AIR** menyatakan jaminan Projek Tebatan Banjir Kota Belud yang bernilai RM77 juta dapat disiapkan mengikut perancangan asal Kementerian tanpa diganggu oleh karenah birokrasi tertentu yang boleh melambatkan aliran kerja bagi projek tersebut.

JAWAPAN

Tuan Yang Di-Pertua,

1. Kerajaan telah meluluskan peruntukan sebanyak RM77 juta bagi pelaksanaan projek-projek Rancangan Tebatan Banjir (RTB) di daerah Kota Belud untuk dilaksanakan oleh Kementerian Alam Sekitar dan Air (KASA) melalui Jabatan Pengairan dan Saliran (JPS). Projek Rancangan Tebatan Banjir di daerah Kota Belud seperti berikut:
 - i. Rancangan Tebatan Banjir Sungai Gurong-Gurong, Lembangan Sungai Gurong-Gurong, Pekan Kota Belud, Kota Belud, Sabah.
 - ii. Rancangan Tebatan Banjir Sungai Kedamaian / Sungai Tempasuk / Sungai Abai Dan Sungai Kawang-Kawang, Kota Belud, Sabah.
2. Bagi projek Rancangan Tebatan Banjir (RTB) Sungai Gurong-Gurong, Lembangan Sungai Gurong-Gurong, Pekan Kota Belud, Kota Belud, Sabah sedang dalam peringkat pembinaan dan dijangka siap sepenuhnya pada tahun 2022.
3. Bagi projek Rancangan Tebatan Banjir Sungai Kedamaian / Sungai Tempasuk / Sungai Abai Dan Sungai Kawang-Kawang, Kota Belud, Sabah, tender bagi melaksanakan kerja jangka pendek mengatasi banjir iaitu pembinaan ban pencegah banjir di beberapa kawasan di Kota Belud telah pun diiklankan pada September 2021. Pelaksanaan fizikal projek ini dijangka dimulakan pada awal tahun 2022.
4. Bagi skop Kajian Kemungkinan di bawah Projek Rancangan Tebatan Banjir di Sungai Kedamaian / Sungai Tempasuk / Sungai Abai dan Sungai Kawang-Kawang, perunding telah dilantik bagi mengenalpasti langkah jangka panjang untuk mengatasi isu banjir dan sumber air di Daerah Kota Belud dan kajian tersebut dijangka siap pada tahun 2023.

Sekian. Terima kasih.